

# Menimba ilmu di menara gading

## ► Kehadiran Naib Canselor gembirakan mahasiswa UMSKAL

UB 13.9.2014 B1

**K**EHADIRAN Naib Canselor Universiti Malaysia Sabah (UMS), Prof Datuk Dr Mohd Harun Abdullah pada Majlis Penutupan Minggu Suai Mesra (MSM) 2014 peringkat UMS Kampus Antarabangsa Labuan (UMSKAL) amat menggemirakan pelajar baharu universiti itu.

Sebaik tiba di Dewan Utama, Mohd Harun yang diiringi Pengarah UMSKAL, Prof Madya Dr

Murnizam Haji Halik, kira-kira 856 pelajar baharu itu memberikan tepukan yang gemuruh sebagai tanda terima kasih atas kesudian Naib Canselor memeriahkan majlis tersebut.

Dalam ucapannya, Mohd Harun mahu pelajar UMSKAL menjaga nama baik universiti, ibu bapa dan negara di mana jua mereka berada terutama ketika mengikuti program dan aktiviti di luar kampus.

Malah katanya, sebagai

duta kecil universiti, mereka sewajarnya memainkan peranan lebih besar dalam mempromosi UMS dalam kalangan masyarakat khususnya ibu bapa, penjaga dan penduduk kampung halaman mereka.

Beliau berharap mahasiswa akan menggunakan ruang dan peluang ketika menimba ilmu di menara gading itu untuk mencipta kecemerlangan dan kejayaan yang mampu menaikkan nama UMS di persada pendidikan peringkat

tinggi dalam dan luar negara. "Tidak rugi jika sekiranya mahasiswa menjaga nama baik UMS ketika menyertai sebarang program di dalam mahupun luar negara," katanya.

Harun turut berbangga dengan kesungguhan pelajar baharu itu yang memberikan komitmen yang tinggi di sepanjang MSM dijalankan.

Sementara itu, Dr Murnizam mengucapkan tahniah dan terima kasih kepada semua pegawai, pensyarah, kakitangan dan Pembimbing Suai Mesra (PSM) yang melaksanakan tugas mereka sepanjang MSM itu diadakan di UMS Labuan.

Pada majlis itu, hadirin dihiburkan dengan persembahan nyanyian dan tarian pelajar baharu termasuk pelajar antarabangsa dari China serta petikan gitar pengarah kampus bersama timbalannya, Dr Geoffrey Harvey Tanakinjal.

Turut hadir Timbalan Naib Canselor (Akademik dan Antarabangsa), Prof Dr Sharif Abdul Kadir Omang Al-Haj, Dekan Fakulti Kewangan Antarabangsa Labuan Prof Madya Dr Syed Nasirin, Timbalan Pendaftar Zamri Mohamad Tuah dan Ketua Bahagian Hal Ehwal Pelajar Mas Adi Alimin.



**MURNIZAM** menunjukkan bakatnya memetik gitar dan menyanyi bersama Geoffrey (kanan) sempena majlis penutupan MSM UMS Labuan.



**MOHD** Harun beramah mesra dengan pelajar baharu sambil diperhatikan Sharif (kanan), Murnizam (tiga kanan) dan Zamri (dua kanan) pada majlis penutupan MSM UMS Labuan.



**PELAJAR** memberikan tepukan yang gemuruh kepada setiap persembahan yang ditampilkan oleh rakan-rakan mereka.